



МОНГОЛ УЛСЫН
ЭРҮҮЛ МЭНДИЙН САЙДЫН ТУШААЛ

2017 оны 05 сарын 11 өдөр

Дугаар А/189

Улаанбаатар хот

Журам батлах тухай

Эрүүл мэндийн тухай хуулийн 17 дугаар зүйлийн 17.8.3, Эмнэлгийн тусламж, үйлчилгээний тухай хуулийн 15 дугаар зүйлийн 15.23, 15.29 дэх хэсгийг тус тус үндэслэн ТУШААХ нь:

1. Төрийн болон орон нутгийн өмчит төрөлжсөн мэргэшлийн эмнэлэг, нэгдсэн эмнэлгийн Төлөөлөн удирдах зөвлөлд ажиллах олон нийтийн төлөөллийг сонгох журмыг хавсралтаар баталсугай.
2. Төрийн өмчит төрөлжсөн мэргэшлийн эмнэлгийн Төлөөлөн удирдах зөвлөлд ажиллах олон нийтийн төлөөллийг сонгон шалгаруулах хороог байгуулж, ажиллахыг Төрийн нарийн бичгийн дарга /Д.Очирбат/-д даалгасугай.
3. Орон нутгийн өмчит нэгдсэн эмнэлгийн Төлөөлөн удирдах зөвлөлд ажиллах олон нийтийн төлөөллийг сонгон шалгаруулах хороог аймаг, дүүргийн Засаг даргын тамгын газартай хамтран байгуулж, ажиллахыг Аймаг, Нийслэлийн эрүүл мэндийн газрын дарга нарт даалгасугай.
4. Тушаалын биелэлтэд хяналт тавьж ажиллахыг Хяналт-шинжилгээ, үнэлгээ, дотоод аудитын газар /Б.Баярт/-т үүрэг болгосугай.

САЙД



А.ЦОГЦЭЦЭГ

080626

Эрүүл мэндийн сайдын
2017 оны 02 сарын 17-ны өдрийн
А/ дугаар тушаалын 1 дүгээр
хавсралт

ТӨРИЙН БОЛОН ОРОН НУТГИЙН ӨМЧИТ ТӨРӨЛЖСӨН МЭРГЭШЛИЙН ЭМНЭЛЭГ, НЭГДСЭН ЭМНЭЛГИЙН ТӨЛӨӨЛӨН УДИРДАХ ЗӨВЛӨЛД АЖИЛЛАХ ОЛОН НИЙТИЙН ТӨЛӨӨЛЛИЙГ СОНГОХ ЖУРАМ

Нэг. Нийтлэг үндэслэл

1.1. Төрийн болон орон нутгийн өмчит төрөлжсөн мэргэшлийн эмнэлэг, нэгдсэн эмнэлгийн Төлөөлөн удирдах зөвлөлд ажиллах олон нийтийн төлөөллийн гишүүдийг энэ журмыг баримтлан нээлттэй сонгон шалгаруулна.

1.2. Сонгон шалгаруулалтыг зохион байгуулах хороог (цаашид хороо гэх) Эрүүл мэндийн яам болон аймаг, дүүргийн Засаг даргын тамгын газрын дэргэд байгуулна.

1.2.1. Төрийн өмчит төрөлжсөн мэргэшлийн эмнэлгийн Төлөөлөн удирдах зөвлөлд ажиллах олон нийтийн төлөөллийг сонгон шалгаруулах хороог Эрүүл мэндийн яам, Сангийн яам, Эрүүл мэнд, нийгмийн даатгалын ерөнхий газар, тухайн эмнэлэг, Нийслэлийн эрүүл мэндийн газраас тус бүр нэг, иргэдийн төлөөлөгчдийн хурлаас хоёр, нийт 7 хүний бүрэлдэхүүнтэй байгуулна.

1.2.2. Орон нутгийн өмчит нэгдсэн эмнэлгийн Төлөөлөн удирдах зөвлөлд ажиллах олон нийтийн төлөөллийг сонгон шалгаруулах хороог тухайн аймаг, нийслэлийн Засаг даргын тамгын газар, Эрүүл мэндийн газар, Эрүүл мэнд, нийгмийн даатгалын хэлтэс, тухайн эмнэлгээс тус бүр нэг, Иргэдийн төлөөлөгчдийн хурлаас гурав, нийт 7 хүний бүрэлдэхүүнтэй байгуулна.

1.3. Хороо дараах чиг үүргийг хэрэгжүүлнэ:

1.3.1. Нээлттэй сонгон шалгаруулалтыг зарлаж, материал хүлээн авч, хянан нэгтгэх;

1.3.2. Сонгон шалгаруулалт явуулах байр, бусад шаардагдах нөхцлийг хангах;

1.3.3. Урьдчилсан сонгон шалгаруулалт зохион байгуулах;

1.3.4. Урьдчилсан сонгон шалгаруулалтаар босго оноо давсан нэр дэвшигчийн жагсаалт гаргах;

1.3.5. Нэр дэвшүүлэн сонгох хурлыг зохион байгуулах;

1.3.6. Сонгон шалгаруулалтын дүнг олон нийтэд мэдээлэх;

1.3.7. Сонгон шалгаруулалт явуулсан тухай тайланг тэнцсэн нэр дэвшигчийн нэрийн хамт эрх бүхий этгээдэд баталгаажуулахаар хүргүүлэх.

Хоёр. Сонгон шалгаруулалтыг зарлах, материал хүлээн авах, урьдчилсан сонгон шалгаруулалтыг зохион байгуулах

2.1. Хороо нээлттэй сонгон шалгаруулалтын зарыг материал хүлээн авахаас 15 хоногийн өмнө Эмнэлгийн тусламж, үйлчилгээний тухай хуулийн 15.23-д заасан байгууллагын цахим хуудас болон олон нийтийн мэдээллийн хэрэгслээр нээлттэй зарлана.

2.2. Эмнэлгийн тусламж, үйлчилгээний тухай хуулийн 15.26, 15.27 дахь заалтуудыг баримтлан төрийн бус байгууллага нэр дэвшигч гишүүнийхээ материалыг заасан хугацаанд багтаан Хороонд ирүүлнэ.

2.3. Хороо сонгон шалгаруулалтын материал хүлээн авснаас хойш ажлын 5 хоногт багтаан нэр дэвшигчийн материалтай танилцаж, хянан нэгтгэнэ.

2.4. Хороо урьдчилсан сонгон шалгаруулалтыг энэ тушаалын хавсралтад дурдсан асуумжийн дагуу нэр дэвшигчидтэй ярилцлага хийх хэлбэрээр зохион байгуулах бөгөөд нэр дэвшигч бүрээр оноо өгч, хорооны гишүүдийн өгсөн онооны дунджаар 60-аас дээш оноо авсан нэр дэвшигчдийн жагсаалтыг нэр дэвшүүлэн сонгох хуралд оруулахаар бэлэн болгоно.

Гурав. Нэр дэвшүүлэн сонгох хурлыг зохион байгуулах, нэр дэвшигчийг сонгох

3.1. Хороо хурлын зар, тов, хэлэлцэх асуудлыг энэ журмын 2.4-д заасан жагсаалтад багтсан нэр дэвшигчийг дэвшүүлсэн төрийн бус байгууллагуудад хурал болохоос 14 хоногийн өмнө хүргүүлж, хурлын талаарх мэдээллийг олон нийтэд зарлана.

3.2. Хороо Эмнэлгийн тусламж үйлчилгээний тухай хуулийн 15.24-д заасан төлөөллийг оролцуулан тухайн эмнэлгийн олон нийтийн 3 төлөөллийг сонгох хурлыг тус тусад нь зохион байгуулна.

3.3. Хурлын тэргүүлэгчдийг энэ журмын 3.7-д заасан оролцогчдоос нээлттэй санал хурааж, сонгоно.

3.4. Хурлын тэргүүлэгчид хурлын дэгийг танилцуулж, оролцогчдоор батлуулна.

3.5. Хурлын тэргүүлэгчид олон нийтийн төлөөлөлд нэр дэвшигчдийг танилцуулна.

3.6. Хурлын тэргүүлэгчид нэр дэвшигч бүрээр илээр санал хураалт явуулна.

3.7. Санал хураалтад Хорооны гишүүд, Эмнэлгийн тусламж үйлчилгээний тухай хуулийн 15.27-д заасны дагуу нэр дэвшүүлэн оролцож буй төрийн бус байгууллагын төлөөлөл оролцоно.

3.8. Олонхийн санал авсан нэг нэр дэвшигчийг, эсхүл нэр дэвшигчийн аль нь ч олонхийн санал аваагүй бол санал тэнцсэн буюу хамгийн олон санал авсан 2 нэр дэвшигчийг 2 дахь санал хураалтад оруулж, олонхийн санал авсан нэг нэр дэвшигчийн нэрийг Эмнэлгийн тусламж, үйлчилгээний тухай хуулийн 15.30-д заасан эрх бүхий этгээдэд хурлын тэргүүлэгчдийн гарын үсэг бүхий хурлын тэмдэглэлийн хамт баталгаажуулахаар 24 цагийн дотор хүргүүлнэ.

Эрүүл мэндийн сайдын
2017 оны 05 сарын 11-ны өдрийн
А... дугаар тушаалын 2 дугаар
хавсралт



**Даатгуулагчийн олонхийн эрх, хууль ёсны ашиг сонирхолыг хамгаалсан
байгууллагыг төлөөлсөн олон нийтийн төлөөллийг сонгон шалгаруулах
ярилцлагын асуултууд**

№	Үнэлгээний оноо: 1 (хамгийн сул, муу хариулт), 10 (хамгийн сайн хариулт)	Оноо
	Асуултууд	
1	Даатгуулагчийн олонхийн эрх, хууль ёсны ашиг сонирхлыг хамгаалсан байгууллага эмнэлгийн үйл ажиллагаанд хэрхэн оролцох ёстой гэж боддог вэ?	
2	Эмнэлгийн гүйцэтгэлийг үнэлэхэд ямар асуудлууд хамгийн чухал вэ?	
3	Эмнэлгийн даргын ажлыг үнэлэхэд ямар асуудлууд хамгийн чухал вэ?	
4	Эмнэлгийн удирдах зөвлөл санхүүгийн талаар шийдвэр гаргахад санхүүгийн ямар мэдээлэл шаардлагатай вэ?	
5	Таны өөрийн санхүүгийн мэдлэг хэр вэ?	
6	Эмнэлгийн удирдах зөвлөлийн бусад гишүүд болон эмнэлгийн даргатай үр дүнтэй хамтран ажиллах ямар аргууд байна вэ?	
7	Эмнэлгийн ажиллагсад болон эмч нартай хамгийн үр дүнтэй хамтран ажиллах ямар аргууд байна вэ?	
8	Эмнэлгийг үр дүнтэй ажиллуулахад анхаарах гол асуудлууд юунд оршдог вэ? Жишээ баримтаар тайлбарлана уу.	
9	Эмнэлэг олон нийтэд хүртээмжтэй тусламж, үйлчилгээ үзүүлэхэд таны зүгээс олон нийтийн санаа бодлыг хэрхэн тусгаж ажиллах вэ?	
10	Эмнэлгийн удирдах зөвлөл ба эмнэлгийн хамт олны хооронд хэрхэн үр дүнтэй харилцааг бий болгож ажиллах вэ?	
11	Эмнэлгийн удирдах зөвлөлд орохоор бол эмнэлгийн удирдлагын талаарх сургалтад хамрагдах цаг хугацаа гаргаж чадах уу?	
	НИЙТ	

Эрүүл мэндийн чиглэлээр үйл ажиллагаа явуулдаг төрийн бус байгууллагыг төлөөлсөн олон нийтийн төлөөллийг сонгон шалгаруулах ярилцлагын асуултууд

№	Үнэлгээний оноо: 1 (хамгийн сул, муу хариулт), 10 (хамгийн сайн хариулт)	Оноо
	Асуултууд	
1	Эмнэлгийн гүйцэтгэлийг үнэлэхэд ямар асуудлууд хамгийн чухал вэ?	
2	Эмнэлгийн даргын ажлыг үнэлэхэд ямар асуудлууд хамгийн чухал вэ?	
3	Эмнэлгийн төлөөлөн удирдах зөвлөл санхүүгийн талаар шийдвэр гаргахад санхүүгийн ямар мэдээлэл шаардлагатай вэ?	
4	Эмнэлгийн удирдах зөвлөлийн бусад гишүүд болон эмнэлгийн даргатай үр дүнтэй хамтран ажиллах ямар аргууд байна гэж үзэж байна вэ?	
5	Эмнэлгийн ажиллагсад болон эмч нартай хамгийн үр дүнтэй хамтран ажиллах ямар аргууд байна вэ?	
6	Эмнэлгийг үр дүнтэй ажиллуулах ямар жишээг дурьдаж чадах вэ?	
7	Эмнэлэг олон нийтэд хүртээмжтэй тусламж үйлчилгээ үзүүлэх талаас таны зүгээс олон нийтийн санаа бодлыг хэрхэн тусгаж ажиллах вэ?	
8	Эмнэлгийн төлөөлөн удирдах зөвлөл ба эмнэлгийн хамт олны хооронд хэрхэн үр дүнтэй харилцааг бий болгож ажиллах вэ?	
9	Эмнэлгийн төлөөлөн удирдах зөвлөлд орохоор бол эмнэлгийн удирдлагын талаарх сургалтад хамрагдах цаг хугацаа гаргаж чадах уу?	
	НИЙТ	

Эрүүл мэндийн мэргэжлийн нийгэмлэг, холбоо, мэргэжлийн салбар зөвлөлийг төлөөлсөн олон нийтийн төлөөллийг сонгон шалгаруулах ярилцлагын асуултууд

№	Үнэлгээний оноо: 1 (хамгийн сул, муу хариулт), 10 (хамгийн сайн хариулт)	Оноо
	Асуултууд	
1	Эмнэлгийн мэргэжилтнүүдийг төлөөлсөн байгууллага эмнэлгийн үйл ажиллагаанд хэрхэн оролцох ёстой гэж боддог вэ? Олон улсын ямар жишээ мэдэх вэ?	
2	Эмнэлгийн гүйцэтгэлийг үнэлэхэд ямар асуудлууд хамгийн чухал вэ?	
3	Эмнэлгийн даргын ажлыг үнэлэхэд ямар асуудлууд хамгийн чухал вэ?	
4	Эмнэлгийн удирдах зөвлөл санхүүгийн талаар шийдвэр гаргахад санхүүгийн ямар мэдээлэл шаардлагатай вэ?	
5	Эмнэлгийн удирдах зөвлөлийн бусад гишүүд болон эмнэлгийн даргатай үр дүнтэй хамтран ажиллах ямар аргууд байна вэ?	
6	Эмнэлгийн ажиллагсад болон эмч нартай хамгийн үр дүнтэй хамтран ажиллах ямар аргууд байна вэ?	
7	Эмнэлгийг үр дүнтэй ажиллуулах ямар жишээ хэлж чадах вэ?	
8	Эмнэлэг олон нийтэд хүртээмжтэй тусламж үйлчилгээ үзүүлэхэд таны зүгээс олон нийтийн санаа бодлыг хэрхэн тусгаж ажиллах вэ?	
9	Эмнэлгийн удирдах зөвлөл ба эмнэлгийн хамт олны хооронд хэрхэн үр дүнтэй харилцааг бий болгож ажиллах вэ?	
10	Эмнэлгийн удирдах зөвлөлд орохоор бол эмнэлгийн удирдлагын талаарх сургалтад хамрагдах цаг хугацаа гаргаж чадах уу?	
	НИЙТ	